

Program d'activitats per l'on 2020

Gara da pes-cha/ di da cumpagnia 2020

- Di:** Sonda, ils 22 da avuost 2020
- Uris:** Da las 05.00 fin a las 16.00 h
- Traget:** **Flüms e lais** ingiò chi's po pes-char cun nossa patenta
- Reuniun:** A Müstair aint a **Plazzöl a las 16.00 h (per plaschair esser punctual !!!)**
Rangaziun e marena da cumpagnia. La famiglia dal pes-chader es eir amiaivelmaing invidada a quista grillada aint a Plazzöl.
- System:** Al system da gudogn vegn al di da la gara tshernü. Quai cun ün lottaria. Ische nu daja üna atra dinamica in la gara. Scha vus vais üna buna idea, at pudaivat s'annunzchar pro'l president Corsin. Quai voul dir cha quist on ha minch'ün l'ocasiun da gudognar la gara da pes-cha.
- Predsch:** 15.- fr. per creschüts e 10.- fr. per giuvenils suot 18 ons, cumprais la marena, da pajar cur chi vegn dat giò il butin.
- Sgüranza:** Es roba da minchün.
- Annunzchas:** Per far part a la gara sto minchün s'annunzchar per telefon fin il plü tard la saira avant, e quai fin a las 20.00 h.
Annunzchas piglia incunter: il president Corsin Wetter 077 211 17 70
- Important:** I vegnan be acceptats peschs sainza dadaint (fingia "sbuttatschats").
Pes-chaders chi rivan aint a Plazzöl senza avoir s'annunzchà ouravant, nu's pon participar a la gara da pes-cha. Per plaschair eir nüglia portar ils peschs aint in sachs da plastic (plü bainviss sun sdratschs).

Lai da Rims

Quist'on clappaina darchau peschins (Sömmerlinge) per metter oura aint il Lai da Rims
Chi chi güda a portar sü ils peschins sül Lai da Rims clappa pel prossem on la patenta da pes-cher pel Lai da Rims gratuita. Annunzchar as poja pro Nicola o pro'l president Corsin.
La pes-cha sül Lai da Rims es averta dals 1 mai fin als 15 october 2020
(cur cha las circumstanzas permettian dad ir sü).
Patentas da pes-cha das-chan gnir retrattas pro'l guardiapesch Nicola Gaudenz obain pro Aventüras a Müstair.

Socitea da pes-chaders Val Müstair



Prescripziuns Lai da Rims per l'on 2020 (Las descripciuns vegnan sur tut da l'on avant, causa circumstanzas speziallas.):

Salmelins: das-chan gnir pes-chats quant lungs e quant blers chi's voul (ingüna limita).

Forella canadaisa (namaycush): das-cha be gnir pes-chada üna al di e la masüra minimala vain fixada nouv sün 30cm.

Forellas da flüm (Bachforelle) ed archeras (Regenbogenforelle): per quellas exista üna masüra minimala da 24cm ed i das-chan max. gnir pes-chats 6 peschs al di.

Exaimpels pel contingent plain per pes-char sül Lai da Rims:

- 5 forellas da flüm/archeras, 1 forella canadaisa (namaycush) min. 30cm obain
- 6 forellas da flüm/archeras
- salmelins: ingüna limita

Metter oura peschins aint il Rom

Principi avuost (ün marcurdi saira) dovress Nicola Gaudenz agüd dad ün pèr pes-chaders per metter oura ils peschins aint il Rom (ca. 7-8 persunas).

(l'urari vain dat part amo plü precis sün nossa gruppa da WhatsApp)

Pes-cha da fraja

Di: Ils 7 da november 2020 a las 08.30 h a Müstair (pro la peschicultura).
(Chi chi ha interess po eir tour part a la pes-cha da fraja a Zernez, chi chatta lö als 24 october 2020 o als 31 october 2020 a Sur En.
Per plaschair s'annunzchar a temp pro'l guardia-pes-cha Nicola Gaudenz o pro nos president Corsin.

Gazetta "Bündner Fischer" (Bündner Jäger)

La societad da pes-chaders chantunala (www.kfvgr.ch) es in tschercha da nouvs abunnts pel cudeschin "Bündner Fischer". Sch'inchün vulesse gugent abunntar quista gazettina po'l s'annunzchar pro'l president Corsin Wetter (c.wetter@bluewin.ch). Cuosts fr. 35.- / l'on.

Concurrenza "Moby-Dick", 01-02 – 15-10-2020

Chi varà quist'on il plü grond pesch?

Lös per paisar ils peschs:

- Nicola Gaudenz, peschicultura, Müstair
- Hotel Helvetia, Müstair
- Jon Gross, guardia-sulvaschina, Tschier

Ün schlass "bütscha la ritscha"

societad da pes-chaders Val Müstair

la suprastanza

Valchava, 04.04.2020